

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i člana 6. Statutarne odluke o organizaciji Grada Tuzla u skladu sa Zakonom o Gradu Tuzla („Službeni glasnik Grada Tuzla“, br. 1/14, 3/15, 7/15 i 12/15), Gradsko vijeće Grada Tuzla, na sjednici od 27. 05. 2021. godine, donosi:

P R A V I L N I K
o izmjenama i dopunama Pravilnika o kriterijima i postupku za ostvarivanje prava na jednokratne novčane pomoći iz Budžeta Grada Tuzla

Član 1.

U Pravilniku o kriterijima i postupku za ostvarivanje prava na jednokratne novčane pomoći iz Budžeta Grada Tuzla („Službeni glasnik Grada Tuzla“, broj: 12/19 i 2/20), u članu 2. stav 1. iza tačke 4. dodaje se nova tačka 5. koja glasi:

„5. Jednokratna novčana pomoć djeci i omladini za refundiranje dijela troškova nabavke senzora za bezbolno i kontinuirano mjerenje šećera u krvi.“

Član 2.

U članu 8. stav (1), tačka 5. alineja a) i alineja d) mjenjaju se i glase:

„a) za nezaposlena lica – uvjerenje izdato od strane JU Služba za zapošljavanje Tuzlanskog kantona ili dokument izdat od strane Porezne uprave FBiH – Poreska ispostava Tuzla iz kojeg je moguće utvrditi činjenicu da lice ne ostvaruje primanja po osnovu radnog odnosa (original ili ovjerena fotokopija),

d) za lica koja su navršila 65 godina, a nisu ostvarila pravo na penziju - dokument izdat od strane Porezne uprave FBiH – Poreska ispostava Tuzla iz kojeg je moguće utvrditi činjenicu da lice ne ostvaruje primanja po osnovu prava na penziju (original ili ovjerena fotokopija).“

Član 3.

Iza poglavlja IVa dodaje se novo poglavlje IVb i članovi 22e., 22f., 22g. i 22h. koji glase:

„IVb – JEDNOKRATNA NOVČANA POMOĆ ZA REFUNDIRANJE DIJELA TROŠKOVA NABAVKE SENZORA ZA BEZBOLNO I KONTINUIRANO MJERENJE ŠEĆERA U KRVI

Član 22e.

(1) Osobama oboljelim od dijabetes mellitusa (tip 1) koji imaju prebivalište na području grada Tuzle, može se odobriti jednokratna novčana pomoć iz Budžeta Grada Tuzla za refundiranje dijela troškova nabavke senzora za bezbolno i kontinuirano mjerenje šećera u krvi.

(2) Pravo na refundiranje dijela troškova osobama iz stava 1. ovog člana može se odobriti jednom u toku godine u iznosu potrebnom za nabavku senzora za bezbolno i kontinuirano mjerenje šećera u krvi u količini dovoljnoj za potrebe na godišnjem nivou i to:

- a) 1.680,00 KM za osobe koje ostvaruju pravo na refundiranje dijela troškova nabavke senzora za bezbolno i kontinuirano mjerenje šećera u krvi putem Zavoda zdravstvenog osiguranja TK
- b) 2.880,00 KM za osobe koje ne ostvaruju pravo na refundiranje dijela troškova nabavke senzora za bezbolno i kontinuirano mjerenje šećera u krvi putem Zavoda zdravstvenog osiguranja TK niti putem neprofitnih organizacija
- c) za osobe koje ostvaruju pravo na refundiranje dijela troškova nabavke senzora za bezbolno i kontinuirano mjerenje šećera u krvi putem Zavoda zdravstvenog osiguranja TK i putem neprofitnih organizacija ili samo ostvaruju pravo putem neprofitnih organizacija dodijelit će se preostali iznos do iznosa potrebnog za nabavku senzora u količini dovoljnoj za potrebe na godišnjem nivou, što će se cijiniti u svakom pojedinačnom slučaju.

Član 22f.

Pravo iz prethodnog člana mogu ostvariti osobe koje ispunjavaju sljedeće uslove:

- a) da imaju prebivalište na području grada Tuzle,
- b) da imaju dijagnostikovano oboljenje dijabetes mellitus tip 1 od strane nadležnog ljekara.

22g.

(1) Postupak za ostvarivanje prava na jednokratnu novčanu pomoć za refundiranje dijela troškova nabavke senzora za bezbolno i kontinuirano mjerenje šećera u krvi pokreće se na zahtjev oboljele osobe ili njenog zakonskog zastupnika (ukoliko se radi o malodobnoj osobi).

(2) Uz zahtjev potrebno je dostaviti sljedeću dokumentaciju:

- 1) Izvod iz matične knjige rođenih (fotokopija),
- 2) Dokaz o prebivalištu na području grada Tuzle - PBA-3 obrazac (fotokopija),
- 3) Posljednji nalaz nadležnog ljekara (endokrinologa, kliničkog pedijatra ili kliničkog interniste) sa dijagnozom dijabetes mellitus tip 1 (fotokopija),
- 4) Dokaz o ostvarenom pravu i iznosu sredstava za nabavku senzora za bezbolno i kontinuirano mjerenje šećera u krvi putem Zavoda zdravstvenog osiguranja Tuzlanskog kantona - za osobe koje ostvaruju ovo pravo (fotokopija).

(3) Služba nadležna za provođenje postupka po službenoj dužnosti će pribaviti dokaz za podnosioca zahtjeva o ostvarivanju prava na novčanu pomoć za nabavku senzora za bezbolno i kontinuirano mjerenje šećera u krvi iz sredstava Budžeta Grada Tuzle koja se dodjeljuju putem neprofitne organizacije.

Član 22h.

(1) Postupak za ostvarivanje prava na jednokratnu novčanu pomoć za refundiranje dijela troškova nabavke senzora za bezbolno i kontinuirano mjerenje šećera u krvi, provodi nadležna služba iz člana 13. ovog Pravilnika, u skladu sa odredbama Zakona o upravnom postupku („Službene novine Federacije Bosne i Hercegovine“, broj 2/98 i 48/99).

(2) Odobreni iznos jednokratne novčane pomoći za refundiranje dijela troškova nabavke senzora za bezbolno i kontinuirano mjerenje šećera u krvi uplaćuje se na tekući račun podnosioca zahtjeva.“

Član 4.

Ovaj Pravilnik stupa na snagu narednog dana od dana objavljivanja u “Službenom glasniku Grada Tuzla”.

GRAD TUZLA
Gradsko vijeće

Broj: 01/31-A-7522-2021
Tuzla, 27. maj 2021. godine

